

LUTRIJA BOSNE I HERCEGOVINE d.o.o.Sarajevo
NADZORNI ODBOR

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13) i člana 22. stav 3. tačka 6. Zakona o igrama na sreću („Službene novine Federacije BiH“, br. 48/15 i 60/15), a u vezi sa članom 24. Zakona o igrama na sreću, članom 39. Statuta Lutrije Bosne i Hercegovine („Službene novine Federacije BiH“, broj 95/15), članom 84. stav 2. Zakona o računovodstvu i reviziji u FBiH („Službene novine Federacije BiH“, broj 15/21) i Odlukom o utvrđivanju kriterija za izbor i imenovanje Odbora za reviziju broj: 01-2-1575-2/25 od 28.05.2025.godine, Nadzorni odbor Lutrije Bosne i Hercegovine d.o.o. Sarajevo raspisuje

JAVNI KONKURS

**ZA IZBOR I IMENOVANJE KANDIDATA ZA ČLANOVE ODBORA
ZA REVIZIJU LUTRIJE BOSNE I HERCEGOVINE d.o.o. Sarajevo**

I

Raspisuje se konkurs za izbor i imenovanje kandidata za članove Odbora za reviziju Lutrije BiH d.o.o. Sarajevo i to predsjednika i 2 (dva) člana, od kojih najmanje 1 (jedan) član Odbora za reviziju mora biti ovlašten revizor, na mandatni period od 4 (četiri) godine.

Predsjednika i članove Odbora za reviziju Lutrije BiH imenuje Vlada Federacije Bosne i Hercegovine, na prijedlog Nadzornog odbora, nakon odabira kandidata izvršenog na osnovu provedenog postupka po javnom konkursu.

Ovlaštenja i dužnosti Odbora za reviziju, utvrđeni su Zakonom o privrednim društvima, Statutom Lutrije Bosne i Hercegovine i Zakonom o računovodstvu i reviziji u FBiH.

Naknada i druga prava članova odbora za reviziju uređuju se odlukom direktora, uz prethodnu saglasnost Federalnog ministarstva finansija/financija.

II

Kandidati koji se prijave na konkurs moraju ispunjavati opšte i posebne uslove i to:

1. Opšti uslovi :

- a) da je stariji od 18 godina;
- b) da je državljanin Bosne i Hercegovine;
- c) da nije osuđivan za krivično djelo i privredni prestup nespojiv sa dužnošću člana Odbora za reviziju, 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije;
- d) da nije lice kojem je presudom suda zabranjeno obavljanje dužnosti u nadležnosti Odbora za reviziju;

- e) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 (tri) godine prije dana objavljivanja konkursa za izbor i imenovanje Odbora za reviziju;
- f) da se na kandidata ne odnosi član IX 1. Ustava Bosne i Hercegovine;
- g) da nije član nadzornog odbora i uprave, zaposlen niti ima direktni ili indirektni finansijski interes u društvu izuzev plaće po osnovu te funkcije;
- h) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13);
- i) da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih dužnosti u smislu Zakona o sukobu interesa u organima vlasti FBiH („Službene novine Federacije BiH“, broj 70/08).

2. Posebni uslovi:

- a) da ima visoku stručnu spremu - završen ekonomski ili pravni fakultet;
- b) da ima najmanje 5 (pet) godina radnog iskustva, od dana sticanja VSS, na finansijsko - računovodstvenim poslovima, poslovima revizije ili privrednog prava;
- c) da posjeduje stručna znanja iz djelatnosti društva i da je upućen u sadržaj i način rada Odbora za reviziju i drugih organa privrednih društava.

Kandidati koji posjeduju sertifikat za zvanje ovlaštenog revizora dužni su isti dostaviti uz prijavu.

3. Prilikom procjene kvalifikacije i iskustva kandidata uzeće se u obzir sljedeće:

- a) sposobnost za odgovorno obavljanje dužnosti člana Odbora za reviziju;
- b) znanje i sposobnost razumjevanja finansijskih i poslovnih izvještaja, poznavanje privrednog prava i propisa u području djelovanja Odbora za reviziju;
- c) komunikacijske i organizacijske sposobnosti;
- d) rezultati rada ostvareni tokom dosadašnjeg rada;
- e) eventualne preporuke ranijih neposrednih rukovodilaca.

III

Prijava kandidata obavezno treba da sadrži kraću biografiju uz navođenje uspješnosti rezultata tokom profesionalne karijere, adresu, e-mail adresu i kontakt telefon. Uz prijavu kandidat može dostaviti i pismene preporuke ranijih neposrednih rukovodilaca (ukoliko iste posjeduje).

Uz prijavu na javni konkurs kandidati su obavezni dostaviti originale ili ovjerene fotokopije dokumenata, koji ne smiju biti stariji od 3 (tri) mjeseca, kojima se dokazuje ispunjavanje traženih opštih i posebnih uslova iz javnog konkursa i to:

1. Izvod iz matične knjige rođenih;
2. Uvjerenje o državljanstvu;
3. Ovjerena izjava da nije osuđivan za krivično djelo i privredni prestup nespojiv sa dužnošću člana Odbora za reviziju, 5 (pet) godina od dana pravosnažnosti

presude, isključujući vrijeme zatvorske kazne, prije dana objavljivanja upražnjene pozicije;

4. Ovjerena izjava da nije lice kojem je presudom suda zabranjeno obavljanje dužnosti u nadležnosti Odbora za reviziju;
5. Ovjerena izjava da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 (tri) godine prije dana objavljivanja konkursa za izbor i imenovanje Odbora za reviziju;
6. Ovjerena izjava da se na kandidata ne odnosi član IX 1. Ustava Bosne i Hercegovine;
7. Ovjerena izjava da nije član nadzornog odbora i uprave, zaposlen niti ima direktni ili indirektni finansijski interes u društvu izuzev plaće po osnovu te funkcije;
8. Ovjerena izjava da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13);
9. Ovjerena izjava da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih dužnosti u smislu Zakona o sukobu interesa u organima vlasti FBiH („Službene novine Federacije BiH“, broj 70/08);
10. Diploma o završenoj stručnoj spremi;
11. Uvjerenje/Potvrda o radnom iskustvu;
12. Certifikat ovlaštenog revizora (ukoliko isti posjeduje).

Pored navedene dokumentacije, kandidat koji bude izabran je obavezan prije stupanja na dužnost dostaviti uvjerenja/potvrde za redne brojeve 3. i 4. iz tačke III ovog javnog konkursa.

IV

Kandidati koji na osnovu podnesenih prijava uđu u užu izbor, biće pozvani na intervju koji provodi konkursna komisija.

Podnosioci prijave sa kojima se ne stupi u kontakt u roku od 15 dana od dana isteka roka za podnošenje prijave, neće biti uzeti u razmatranje u daljem postupku izbora i imenovanja, bez obaveze posebnog dostavljanja pismene odbijenice.

Ovaj javni konkurs će biti objavljen u „Službenim novinama FBiH“, dnevnom listu „Dnevni avaz“, web stranici Javne ustanove „Služba za zapošljavanje Kantona Sarajevo“ - Sarajevo i web stranici Lutrije BiH.

Rok za podnošenje prijava kandidata je 15 dana od dana objavljivanja ovog javnog konkursa u „Službenim novinama FBiH“.

Neblagovremene i nepotpune prijave neće se uzeti u razmatranje.

Prijave sa svim traženim dokumentima, koje se neće vraćati kandidatima treba dostaviti lično ili **poštom preporučeno na sljedeću adresu: Lutrija Bosne i Hercegovine d.o.o. Sarajevo, Ul. Mehmeda Spahe br.11, 71 000 Sarajevo, sa naznakom „Prijava na javni konkurs za izbor i imenovanje članova Odbora za reviziju Lutrije BiH d.o.o. Sarajevo - NE OTVARATI“.**